

ЗИММАМИЗДАГИ ИЙМОНИЙ БУРЧ

Бу дунёда Оллоҳ берган неъматларнинг қадрига етиш, уларни исроф қилмаслик иймоний бурчлардан ҳисобланади. Ана шу бурчни чин дилдан бажарсаккина, ўзимиз яшаб турган жамиятга муносиб жавоб бера олган бўламиз.

Ёдингизда бўлса, аввалги чиқишиларимизда пайғамбаримиз (с.а.в) нинг дехқоннинг қўлини ўпиб, “Киёматда бу қўллар ўтда куймайди, азоб чекмайди” деган ҳадиси шарифини келтириб ўтгандик. Лекин бу ҳадис замираидаги жуда катта мазмун-моҳият борлигини муфассал айтмаган эдик. Зеро, ҳадисда дехқоннинг бу дунёдаги шарафли хизматлари учун у дунёда ҳам Яратганинг улкан мукофоти борлиги таъкидланяпти. Дехқонга ёрдамга шошилган, унинг меҳнатига рағбат қўшган инсон ҳам унинг савобли ишига насибадор бўлишини унутмайлик.

Бугунги муборакли кунларда минг машаққат билан етиштирилган ҳосилни қисқа фурсатларда ийғишириб олиш қизғин паллага кирди. Айни пайтда қуёшли кунларнинг ҳар дақиқасидан унумли фойдаланиш зарурати туғилди. Куни кеча далаларимиздаги паҳта ҳосилини охирги мисқолигача йиғиб-териб олиш мақсадида “Зарбдор 30 кунлик” ни уюшқоқлик ва юқори кўтаринкилилк билан ўтказиш бўйича Фарғона вилояти аҳлига йўлланган мурожаат терим мавсумида ҳар биримизни пешқадам бўлишга ундади.

Оллоҳ таоло ўзининг муқаддас каломида “...ўзларингдан (бўлмиш) иш эгаларига (раҳбарларга) итоат этингиз” деб марҳамат қилган. Демак, зарбдор 30 кунлик деб номланган эзгу ҳаракатни ҳар биримиз инсоний бурч, юрак амри, фаровон ҳаётимиз қоидаси, энг муҳими бу юмушни Яратганинг розилиги йўлидаги солиҳ амаллардан бири деб қабул қилишимиз керак.

Муҳтарам фарғоналиклар! Далалардаги ҳосил тезроқ териб-ийғишириб олиниб, Ватан хирмонига ўз вақтида сифатли етиб борса, дастурхонларимиздаги файз-барака бунданда зиёда бўлади.

Пайғамбаримиз (с.а.в)нинг “Мусулмон одамнинг энг афзали инсонлар учун манфаатли бўлганларидир” деган ҳадисларига мувофиқ далалардаги меҳнат жамоаларига қўшилайлик. Эл ишига камарбаста бўлган инсонни сўзида, тилагида, қилаётган ишида яхшиликлар борки, бунинг мукофотини Оллоҳнинг ўзи беради. Азизлар, қуёшли кунлар - саноқли соатлардир. Кузнинг ёмғир, шамоллари дехқонни хавотирга солиши табиий. Ҳар бир чаноқдаги паҳта эса олтиндек бебаҳо. Уни лойларга қоришиб, увол бўлишига йўл қўймаслигимиз керак. Ҳатто йўлларда тўкилган паҳталарни ҳам териб олиб, хас-хашакдан тозалаб юксак хирмонга қўшиб қўйсак, айни муддао бўлади.

Инсон тана аъзоларини беркитиб, унинг чиройига-чирой қўшадиган, майший турмушимизнинг асосий омили, маънавий ҳаётимизнинг поклик тимсоли саналган, умримиз ибтидоси ва интиҳосининг илоҳий намунаси бўлган паҳта-ийғим теримида янада фаол бўлайлик. Зеро, буюк ватандошимиз Имом Сарахсий ҳазратлари ўз китобларида “Далалардаги ҳосилни нест-нобуд қилмай йиғишириб олиш фарзи кифоя” деб фатво берган. Бинобарин, бизнинг далада ўрнак кўрсатишимиз айни итоат белгиси экан.

Барчаларимиз мурожаатга жавобан зиммамиздаги иймоний бурчимизни шараф билан адо этайлик!

Турсунтоҳир ЭРБЎТАЕВ,

вилоят бош имом хатиби.